




# ხაშურის მთაშენი



№21 (202)

28 მაისი, სამშაბათი,

2019 წელი

## ხაშურში, საქართველოს დამოუკიდებლობის ასმეერთე წლისთავი დიდი ზეიმით აღინიშნა

1918 წლის 26 მაისი – საქართველოს ეროვნულმა საბჭომ სახელმწიფოებრიობის დამოუკიდებლობის აქტი მიიღო. ეს იყო საუკუნის ნანატრი ოცნება და ამ ოცნებას შეწირული თაობის ნატვრის ახდენის წამი. საქართველოს დემოკრატიულმა რესპუბლიკამ, რომლის დამოუკიდებლობა ევროპის წამყვანმა ქვეყნებმა ცნეს, არსებობა არასრული სამი წლის თავზე, საბჭოთა რუსეთის მიერ განხორციელებული ოკუპაციის შემდეგ, შეწყვიტა და დამოუკიდებლობის აღდგენა 70 წლის შემდეგ, 1991 წლის 9 აპრილს შეძლო.

101 წელი გავიდა იმ უმნიშვნელოვანესი მოვლენის შემდეგ. ბოლო 28 წელიწადი ჩვენი ქვეყანა ყოველ 26 მაისს დღესასწაულობს ამ დღეს, მაგრამ თამამად შეიძლება ითქვას, რომ ისეთი გრანდიოზული და მასშტაბური აღნიშვნა, როგორც წელს იყო, წინა წლებში არ ყოფილა. საქართველოს ყველა რეგიონულ ცენტრში, ყველა მუნიციპალიტეტში, ნამდვილი დღესასწაულები მოეწყო. 16 საათზე და 20 წუთზე კი – ზუსტად იმ დროს, როდესაც 101 წლის წინ შესრულდა საქართველოს ეროვნული ჰიმნი – ქვეყნის ყველა ქალაქში აუღერდა ეროვნული გამოსატყულების სიმბოლო. ბუნებრივია, გამონაკლისი არც ხაშურში არ ყოფილა და ოპერისა და ბალეტის სახელმწიფო თეატრის სოლისტის, დევან ტაბატაძის მიერ შესრულებული ჰიმნი სრულიად საქართველოს ერთიან ხმას შეუერთდა. თუმცა, მანამდე, საღმრთადად ღონისძიებათა მთელი კასკადი იყო. დღესასწაული, ოფიციალურად, 12 საათიდან დაიწყო და საზეიმო განწყობაზე ადგილობრივმა შემოქმედებებმა კოლექტივებმა იზრუნეს. სიმღერა და ფოლკლორული ცეკვები ერთმანეთს ენაცვლებოდა და ქალაქის მთავარ მოედანთან ამღერებული, მოცეკვავე შადრევნის ფონზე საოცარი განწყობა იქმნებოდა. დღესასწაულის დაწყებამდე კი მუნიციპალიტეტის მერმა გიორგი გურასპაშვილმა და საკრებულოს თავჯდომარემ მიხეილ ჯანაშვილმა, მერიის წარმომადგენლებთან ერთად, გვირგვინებით შეამკეს საქართველოს ტერიტორიული მთლიანობისათვის დაღუპულ გმირთა მემორიალი და საქართველო-სომხეთის 1918-1919 წლების ომში, ხაშურის რაიონიდან გარდაცვლილ მებრძოლთა სამლო-განსასვენებელი.



მათივე მონაწილეობით, ასე გვირგვინებით შეიმკო სოფელ აძვისში დავით კაპანაძის საფლავი, რომელზეც გამოსახულ წარწერა - „მონობაში ტანჯულო დაუვიწყარო მამავ, შენი ნატვრა აღსრულდა, საქართველო გათავისუფლდა“ – ქართველი ხალხის თავისუფლებისა და დამოუკიდებლობისაკენ სწავვის

რი ყოფილა და ოპერისა და ბალეტის სახელმწიფო თეატრის სოლისტის, დევან ტაბატაძის მიერ შესრულებული ჰიმნი სრულიად საქართველოს ერთიან ხმას შეუერთდა. თუმცა, მანამდე, საღმრთადად ღონისძიებათა მთელი კასკადი იყო. დღესასწაული, ოფიციალურად, 12 საათიდან დაიწყო და საზეიმო განწყობაზე ადგილობრივმა შემოქმედებებმა კოლექტივებმა იზრუნეს. სიმღერა და ფოლკლორული ცეკვები ერთმანეთს ენაცვლებოდა და ქალაქის მთავარ მოედანთან ამღერებული, მოცეკვავე შადრევნის ფონზე საოცარი განწყობა იქმნებოდა. დღესასწაულის დაწყებამდე კი მუნიციპალიტეტის მერმა გიორგი გურასპაშვილმა და საკრებულოს თავჯდომარემ მიხეილ ჯანაშვილმა, მერიის წარმომადგენლებთან ერთად, გვირგვინებით შეამკეს საქართველოს ტერიტორიული მთლიანობისათვის დაღუპულ გმირთა მემორიალი და საქართველო-სომხეთის 1918-1919 წლების ომში, ხაშურის რაიონიდან გარდაცვლილ მებრძოლთა სამლო-განსასვენებელი.



ერთ-ერთ სიმბოლოდ იქცა.

ქალაქის ცენტრი მოზეიმე ხალხითაა სავსე. ამდღეული განწყობა და სიხარულია თითოეული მოქალაქის სახეზე. პატარებიც საზეიმოდ გამოწყობილან და მათი მხიარული ჟრიაბული აღამაზებს საერთო ფონს.

გიორგი გურასპაშვილი, მუნიციპალიტეტის მერი: – თითოეულ ხაშურელს, სრულიად საქართველოს გულოცავ ამ ბრწყინვალე დღესასწაულს. მართლაც სასიამოვნო სანახავია ამდენი გაღიმებული სახის ხილვა. რაც სასიხარულოა, ამ საერთო განწყობაში არაფერია ხელოვნური და ჩვენი მოსახლეობა, ყველა ერთად, მართლაც გულწრფელად ზეიმობს, ეს კი ერთგვარად, წინაპირობაა იმისა, რომ ჩვენი ხალხი, ქვეყნის წინაშე არსებულ პრობლემებს, ეტაპობრივად, აუცილებლად დაძლევის და ივერიის გაბრწყინებამდე ყველა ერთად მივალთ.



არც ის დრო მეჩვენება შორს, როდესაც უკვე გამოლიანებულ საქართველოში ვიზეიმებთ 26 მაისს. კიდევ ერთხელ გულოცავთ ყველას დამოუკიდებლობის დღეს...

მიხეილ ჯანაშვილი, საკრებულოს თავჯდომარე: - ვიყოთ გულწრფელები, 15. 10 ან თუნდაც ხუთი წლის წინ, ამ დღეს, ასეთი მასშტაბები არ იყო. ამ (დასასრული II გვერდზე)



18 მაისს, ისევე, როგორც მთელს საქართველოში, ხაშურშიც აღინიშნა ეროვნული სამოსის დღე. ქალაქის ქუჩებში მოფენილი, ეროვნულ სამოსში გამოწყობილი ახალგაზრდობა, მართლაც უღამაზე სი სანახავი იყო.



### სახელმწიფო და ადგილობრივი ხელისუფლების ინსტიტუციური დიალოგი - ფორუმი წყადტუბოში



წყადტუბოში „სახელმწიფო და ადგილობრივი ხელისუფლების ინსტიტუციური დიალოგის“ მეოთხე ყოველწლიური ფორუმი გაიმართა. ფორუმს შიდა ქართლის სახელმწიფო რწმუნებული გიორგი ხოჯევანიშვილი დაესწრო. ასევე, ღონისძიებაში სახელმწიფო რწმუნებულებმა, საქართველოს თვითმმართველი ქალაქების მერებმა და საკრებულოს თავმჯდომარეებმა, ცენტრალური ხელისუფლების, სამოქალაქო საზოგადოებისა და საერთაშორისო ორგანიზაციების წარმომადგენლებმა მიიღეს მონაწილეობა.

ფორუმზე, ადგილობრივი თვითმმართველობის რეფორმის ფარგლებში, რეგიონული ეკონომიკისა და ადგილობრივი ბიზნესის განვითარების ძირითადი გამოწვევები განიხილეს. სიტყვით გამოსვლისას გიორგი ხოჯევანიშვილმა შიდა ქართლის რეგიონის პერსპექტივებზე და შესაძლებლობებზე ისაუბრა. ასევე, ხაზი გაუსვა დეცენტრალიზაციის მნიშვნელობასა და თვითმმართველობის მიერ ფინანსების დამოუკიდებლად განკარგვის საკითხს. მისი თქმით, ეს კიდევ უფრო მეტად შეუწყობს ხელს მუნიციპალიტეტების სწრაფ და ეფექტურ განვითარებას. რწმუნებულმა რეგიონისთვის მნიშვნელოვან მიმართულებებზეც გააკეთა აქცენტი, როგორცაა სოფლის მეურნეობა და ტურიზმი.

ღონისძიებაზე, პრემიერ-მინისტრმა მამუკა ბახტაძემ, ყურადღება გაამახვილა დეცენტრალიზაციის სტრატეგიის პროექტზე, მუნიციპალიტეტების ეკონომიკურ პოტენციალზე, ინფრასტრუქტურული პროექტების განხორციელებაზე, განათლების რეფორმასა და სხვა მნიშვნელოვან საკითხებზე.

სახელმწიფო და ადგილობრივი ხელისუფლების ინსტიტუციური დიალო-

გის ფორუმი პარლამენტის რეგიონული პოლიტიკისა და თვითმმართველობის კომიტეტის ინიციატივით, 2018 წელს დაარსდა. იგი თვითმმართველობის განვითარებასა და დეცენტრალიზაციასთან დაკავშირებულ საკითხებზე ცენტრალურ და ადგილობრივ ხელისუფლებას შორის კონსტრუქციული დიალოგის პლატფორმაა და საქართველოს 64 მუნიციპალიტეტის არჩეულ მერებსა და საკრებულოს თავმჯდომარეებს, რეგიონების რწმუნებულებსა და ცენტრალური ხელისუფლების წარმომადგენლებს აერთიანებს.

### ხაშურში, საქართველოს დამოუკიდებლობის ასმეერთე წლისთავი დიდი ზეიმით აღინიშნა

(დასასრული)

დღესასწაულმა, უკვე მთელი თავისი მშვენიერებით და უზარმაზარი შინაარსით, თითქმის ყველა ქართველში დაიღო ბინა და დღეს ეს მათ სახეებზეც ისახება. რა თქმა უნდა, ვულოცავ ყველას დაუმოუკიდებლობის დღეს. ამ დღეს თითქოს უფრო მძაფრდება სამშობლოს სიყვარულის შეგრძნება და მომავლის რწმენა იმატებს. ასეც უნდა იყოს,



ქვეყნის თავისუფლების ასეთი სიყვარული მიგვიყვანს სწორედ დიდ გამარჯვებამდე...

სიმონ ნოზაძე, პარლამენტის წევრი, ხაშურის მაჟორიტარი დეპუტატი: - დღევანდელი დღე უმნიშვნელოვანესია ჩვენი ერისთვის. რა თქმა უნდა, თავისუფლებისათვის ბრძოლა მყოფი საუკუნეში არ დაწყებულა.



იგი დაიწყო მაშინ, როდესაც დედოფალი შუშანიკი გაურჯულოებულ ქმარს განუდგა, როცა ნერსე ერისთავი არაბთა წინააღმდეგ აჯანყებას გეგმავდა, როცა გრიგოლ ხანძთელმა ქვეყნის გაერთიანება ეკლესიის წიაღში გადაწვეილა. აღარას ვამბობ ილიასა და 60-იანელების დეაღლიზე დამოუკიდებლობისათვის ბრძოლაში. და მაინც, რაც უნდა დიდი იყოს პიროვნების როლი, დამოუკიდებლობის მოპოვება მაინც ხალხის, ერის ბრძოლის შედეგი იყო. საუკუნეების ტკივილი ხმიანობს უბრალო, ტყაპუჭიანი მოხევის უკვდავ სიტყვებში: „ჩვენი თავი ჩვენათვე გვეყუდ-

ნოდეს...”

დღეს დამოუკიდებლობის დღეს ვზეიმობთ, მაგრამ სიხარულს სევდაც ახლავს, ჩვენთან ერთად არ ზეიმობენ ჩვენი ძმები - აფხაზები და ოსები. თუმცა, მჯერა, სამართლიანობა აღდგება და საქართველო გაერთიანდება, აი, სწორედ მაშინ იქნება ყველაზე დიდი დღესასწაული და ზეიმი...

საზეიმო ღონისძიებაზე გიორგი გურასპაშვილმა და მიხეილ ჯან-



აშვილმა წარმატებული სპორტსმენი და მწვერთნელები ფულადი ჯილდოებით და პრიზებით დააჯილდოვეს. პარალელურად, ცენტრალურ პარკში, კომპანია „ლიდერბეთის“ მხარდაჭერით, მინიფეხბურთში, ტრადიციული „დურუს თასი- 2019“-ის ტურნირი გაიმართა, რომელშიც გამარჯვებულები შესაბამისი პრიზებით დაჯილდოვდნენ.

საქართველოს დამოუკიდებლობის დღისადმი მიძღვნილი ღონისძიებე-



ბი გალა-კონცერტით დასრულდა, რომელშიც მონაწილეობდნენ ჯგუფი „სპამ ჯამ“-ი, სოფო საუნიანი, ლუკა ზაქარაიძე და თორნიკე ყიფიანი.

უცილებლად უნდა აღინიშნოს მერიის განათლების, კულტურისა და სპორტის სამსახურის დეაღლი ზეიმის ორგანიზებაში, რომელიც უნაკლოდ ჩატარდა.

გვიან ღამემდე გაგრძელდა ზეიმი ჩვენს ქალაქში. გვიან ღამემდე არ შეწყვეტილა მოსახლეობის ნაკადი, რომელსაც მცირე უამინდობამაც არ დაასვა დადი. საერთო განწყობას კი, სრულფასოვნად, ერთი პატარა ბიჭუნას მაისურზე გაკეთებული წარწერა ასახავდა: „მიყვარხარ, საქართველო!”

გოგი გოგოლაძე

გასულ კვირას, ხაშურს პატივი ჰქონდა უნიკალური ხმის მქონე დიდებული ბარიტონის, გიორგი გაგნიძისთვის ემასპინძლა. ბატონი გიორგი უცხოეთში მოღვაწე იმ წარმატებული ქართველების რიცხვს მიეკუთვნება, რომელმაც ჩვენი ქვეყანა მრავალჯერ ასახელა. მისი **გიორგი გაგნიძე - დიდი მაესტრო ხაშურში** წარმოდგენელი ნიჭის წყალობით, მან რახანია მოიპოვა საერთაშორისო აღიარება და წარმატებით დაიპყრო ოპერის დიდებული სცენები. მასთან გასაუბრების შესაძლებლობა ჩვენს რედაქციასაც მიეცა

უფრო მრავალფეროვანი ხდება და შესაბამისად, იზრდება და იხვეწება, როგორც პროფესიონალი. ამ ფესტივალზე, თავის დროზე, თავად პირველი ადგილი დაიკავე და ვთვლი, რომ ეს გამარჯვება ტრამპლინი აღმოჩნდა ჩემი შემდგომი წარმატებისა. ლევანსაც ვუსურვებ წარმატებას, ძალიან ნიჭიერი ადამიანია და მინდა, რომ მთლიანად რაიონმა იცოდეს მის შესახებ და გვერდში დაუდგეს მას, როგორც მორალურად, ისე ფინანსურადაც.



და გთავაზობ მცირე ინტერვიუს ბატონ გიორგისთან.

- ბატონო გიორგი, გვითხარით მიზეზი თქვენი ხაშურში ყოფნისა...
- ხაშურში, ამჟამად, დასასვენებლად ვარ. აქ ხშირად ვიმყოფები, ვფიქრობ, რომ ძალიან კარგი კლიმატია. ამასთან, ხაშური ძალიან მიყვარს. მთავარი მიზეზი, უპირველეს ყოვლისა, ისაა, რომ ხაშური ჩემი დედუღეთია, ფაქტობრივად, აქ გავიზარდე. მეუღლეც ხაშურელი მყავს - მაია გოგოლაძე.
- მუნიციპალიტეტის მერიაში ჩვენს ყოფილ რესპოდენტთან ოპე-

- ბატონო გიორგი, მიმდინარე კონცერტებზე გვიამბეთ და ხაშურელ მსმენელს თუ ექნება შესაძლებლობა თქვენი მოსმენისა?
- ახლახანს, ნიუ იორკსა და პარიზში მქონდა კონცერტები. სამომავლოდ, 27 მაისს, კონცერტი დაგეგმილი მაქვს ბერლინში და შემდგომში ლივერპულში გაგეგმზავრები. უახლოეს მომავალში, ხაშურში კონცერტი არაა დაგეგმილი, თუმცა, 2 წლის უკან, ბანას მხარდასაჭერ კონცერტზე, ძალიან ბევრი ხაშურელი ესწრებოდა.
- როგორც ვიცით, ამ კონცერტის ორგანიზატორი თქვენ იყავით, გვიამბეთ ვრცლად ამის შესახებ...
- 2017 წელს, თბილისის ოპერისა და ბალეტის თეატრში, გრანდიოზული საქველმოქმედო გალა კონცერტი - „საოპერო ვარსკვლავები ბანასთვის“ გაიმართა. ჩემი ორგანიზებით, საზღვარგარეთ მოღვაწე ქართველი საოპერო ვარსკვლავები სამონასტრო-საგანმანათლებლო კულტურული და საზოგადოებრივი ცენტრის - „ახალი ბანას“ მშენებლობისათვის საჭირო სახსრების მოსაძიებლად გაერთიანდნენ. ქართველ და მათ შორის ხაშურელ მსმენელსაც ჰქონდა შესაძლებლობა, ოპერის სცენაზე, ერთად ეხილა და მოესმინა დიდებული ოპერის ვარსკვლავების შემოქმედება. საქველმოქმედო სადამოღან შემოსული თანხა სრულად მოხმარდა „ახალი ბანას“ მშენებლობას.
- ამ მიმართულებით კიდევ თუ იგეგმება სამომავლოდ რაიმე საქველმოქმედო კონცერტი?
- დიახ, სამომავლოდ, დიდი სურვილი გვაქვს კვლავ დაგვეგეგმოთ გრანდიოზული, საქველმოქმედო კონცერტი ბანას მხარდასაჭერად. ვცდილობთ, მოლაპარაკებები ვაწარმოოთ ანდრეა ბონელთან, მისი საქართველოში ჩამოსვლისა და კონცერტში მონაწილეობის შესახებ, თუმცა, ეს მხოლოდ იდეის დონეზეა, ყველაფერს მომავალი გვიჩვენებს. სხვათაშორის, მინდა აღვნიშნო, რომ სურამ-ხაშურის ეპისკოპოსს მეუფე სვიმეონს სურს აღნიშნული კონცერტი სწორედ ბანას მშენებლობის ადგილზე ჩატარდეს. მინდა დავამატო, რომ მეუფე სვიმეონი, რომელიც ავტორი გახლავთ ამ პროექტისა, უძლიერესი პიროვნება



რის მომდერალ ლევან ტაბატაძესთან ერთად იმყოფებით, რასთან არის დაკავშირებული თქვენი ვიზიტი?

- დიახ, მეორე მიზეზი, რის გამოც ხაშურში ვიმყოფები, ძალიან პერსპექტიული ახალგაზრდის, ქვიშხეთელი ლევან ტაბატაძეს მხარდაჭერაა. მე მას რეკომენდაცია გავეუწიე საერთაშორისო კონკურსზე, იტალიაში, ქალაქ ბუსეტოში ფესტივალზე „ვერდის ხმები“. საერთოდ, ოპერის დამწვებ მომდერლებს ვურჩევ, რაც შეიძლება მეტ კონკურსსა და ფესტივალში მიიღონ მონაწილეობა. ეს არამარტო მათი წარმონჩენისათვის არის აუცილებელი, არამედ ამ დროს რეპერტუარიც



და უკეთილშობილესი ადამიანია, მშრომელი და დაუღალავი. მან უდიდესი საქმეები აკეთა ხაშურის რაიონისთვის და ჩემის მხრივ, ყოველთვის მხარში დაუდგები მას ნებისმიერ წამოწყებაში.

- დიდი მადლობა ინტერვიუსთვის, ბატონო გიორგი და ჩვენ მაინც ვიტოვებთ იმედს, რომ უახლოეს მომავალში, ხაშურლებს ექნებათ შესაძლებლობა თქვენი მოსმენისა...
- ვნახოთ, გამორიცხვული არაფერია...

\*\*\*

“ის არამარტო დაიბადა რიგოლეტოსათვის, არამედ თვით რიგოლეტოა!” - სწორედ ასეთი დიდებული შეფასება მიიღო თავის დროზე გიორგი გაგნიძემ მაესტრო ხოსე კარერასისგან. სწორედ ფესტივალზე „ვერდის ხმები“ პირველი ადგილის მოპოვების შემდეგ დაიწყო ქართველი ოპერის მომდერლის აღმავლობის გზა საერთაშორისო ასპარეზზე, სადაც ჟიურის თავჯდომარე ხოსე კარერასი გახლდათ. მეტად რთული საქმე იყო გიორგი გაგნიძის ხმა შეუმჩნეველი დარჩენილიყო, ამიტომაც მსოფლიო ტენორის ერთპიროვნული ფავორიტი სწორედ ის გახდა.

მისი საოპერო კარიერა, ცხადია, საქართველოში დაიწყო. ჯერ კიდევ კონსერვატორიის სტუდენტი, უკვე ასრულებდა წამყვან საოპერო პარტიებს, აქ იმდერა: ვერდის „ტრაფიატა“, „ბალ-მასკარადი“, ბიზეს „კარმენი“, ჩაიკოვსკის „პიკის ქალი“, ასევე ქართული ოპერები - „ახესალომ და ეთერი“, „დაისი“, „ქეთო და კოტე“... ამჟამად, კი წამყვან საპერო თეატრებში მდერის, „მეტროპოლიტენ ოპერაში“ სეზონის გახსნაც მოუხდა 2009 წელს. აქვე აღვნიშნავთ, რომ 2012 წლის 6 ნოემბერს გიორგი გაგნიძემ ლა სკალაში ჟილბერტ დეფლოს კლასიკურ რეჟისურაზე ახალგაზრდა ვენეციელი დირიჟორის გუსტავო დუდამელის ხელმძღვანელობით „რიგოლეტო“ იმდერა. ამ სპექტაკლმა, 2012 წელს, უმაღლესი მუსიკალური ჯილდო Grammy აიღო.

თ. ახალკაცი



### პატარა ვუნდერკინდი სურამიდან

სურამის #3 საჯარო სკოლაში უნიჭიერესი და, შეიძლება ითქვას, ისტორიის მომავალი დიდი მკვლევარი თევდორე ლაბაძე იზრდება. თევდორე ჯერ მხოლოდ მე-2 კლასშია, თუმცა რაიონის მასშტაბით ცნობადობა უკვე მოიპოვა, მისი უნიკალური ნიჭის წყალობით. იგი საოცრად გატაცებულია ისტორიით და უამრავ მოზარდზე უკეთ ერეკვა მასში. საკმარისია, რომელიმე მეფეზე ცნობები კითხვით, იგი დამაჯერებლად დაიწყებს თხრობას, თარიღიდან მისი გამეფებისა - გარდაცვალების თარიღამდე. ჩვენ, რა თქმა უნდა, სკოლაში ვესტუმრეთ თევდორეს და პირადად გავიცანით ეს უნიკალური ბავშვი. თავდაპირველად ცოტა დაიმორცხვა, თუმცა, როგორც კი მისი საყვარელი მეფის ერეკლე II შესახებ ვკითხეთ, ბოლომდე გაიხსნა და ამბავი დიდებულ ქართველ მეფეზე შეუფერხებლად ჩამოარაკრაკა. ჩვენ, ცხადია მოვიხიბლეთ თევდორეს განსაკუთრებული უნარებით და უდიდეს მომავალსაც ვუწინასწარმეტყველებთ, მთავარია ამ ასაკიდანვე ხელშეწყობა.

სკოლაში ყოფნის დროს ჩვენ გავესაუბრეთ თევდორეს კლასის დამრიგებელს მანანა შენგელიას.

- ქალბატონო მანანა, როდის შეამჩნიეთ პირველად თევდორეს განსაკუთრებული ინტერესი ისტორიის მიმართ?

- პირველ რიგში, მინდა, გითხრაო, რომ ყველა აღფრთოვანებული ვართ თევდორეს უნიკალური ნიჭით. ის არის ნამდვილად ბავშვი-ადმონენა. მისი განსაკუთრებული უნარის შესახებ, ცხადია, პირველი დღიდანვე არ შეგვიტყვია, ეს უკვე სწავლის პერიოდში მოხდა. შევამჩნიე, რომ საინტერესოდ პასუხობდა საქართველოს ისტორიის შესახებ დასმულ კითხვებს. უფრო სიღრმისეულად რომ დავაკვირდი, აღმოჩნდა, რომ თევდორემ თავის ასაკთან შედარებით, გაცილებით უკეთ იცოდა ისტორია. შემდგომში, მასთან ერთად შევდიოდი უფროს კლასებში, მოსწავლეები უსვამდნენ კითხვებს და ყველა გაოცებული რჩებოდა თევდორეთი. ჩვენი სკოლის ისტორიის მასწავლებელმა ნათელა გოგოლაძემ სკოლაში შექმნილ ინტერნეტ ტელევიზიის გადაცემაშიც მიიწვია და მისი ცნობადობა კიდევ უფრო გაიზარდა, მისი ნიჭის შესახებ კიდევ უფრო ბევრმა ადამიანმა გაიგო. ამასწინათ, ექსკურსიაზე მყავდა წაყვანილი მცხეთაში და სვეტიცხოველში ყოფნისას, საოცარი ემოცია გამოიწვია ჩემში ამ 8 წლის ბავშვმა. მან ჩინებულად გვიამბო ტაძრის ისტორიაზე იქ დაკრძალულ მეფეებზე, ტაძრის წინამძღვარმა გილობაც კი შესთავაზა ჩვენს პატარა ის-

ტორიკოსს. საერთოდ, ძალიან აქტიური ბავშვია, ბოლომდეა ჩართული საგაკვეთილო პროცესში.

გარდა ისტორიისა, მისი საყვარელი საგნებია ქართული და მათემატიკა. გატაცებულია სპორტით, ასევე მუსიკით, დიდის ფორტეპიანოზე, მღერის ანსამბლში, თამაშობს ჭადრაკს. ყველაფერ ამის მიუხედავად, ასწრებს, რომ მეგობრებთან ერთად ფეხბურთი და კალათბურთი ითამაშოს. საიდუმლოდ



შევიტყვეთ, რომ პრეზიდენტობა სურს, მისი გაპრეზიდენტების შემთხვევაში კი, როგორც თვითონ ამბობს, საქართველოში არცერთი გაჭირვებული ოჯახი აღარ იქნება.

უნდა გითხრაო, რომ თევდორეს ფენომენის უკეთ გასაგებად მისი პირადად გაცნობა და მასთან მცირედი საუბარიც კმარა. მას წინ აშკარად ნათელი მომავალი ელის. ჩვენ, „ხაშურის მოამბე“, როგორც ხაშურის ისტორიის მემკვიდრე და მრავლის მნახველი, ყოველთვის გულშემატკივარი ვიქნებით თევდორეს განვლილი გზისა და უეჭველი წარმატებისა, და იმედია, მასთან შეხვედრა მომავალშიც არაერთხელ მოგვიწევს ჩვენც და ჩვენს მკითხველსაც.

თ. ახალკაცი

### ადგილობრივი სანიტარული არხის მოწყობა

ხაშურის მუნიციპალიტეტის სოფელ ალში სანიტარული არხის-სადრენაჟე ქსელის მოწყობის სამუშაოები მიმდინარეობს.

საპროექტო დოკუმენტაცია, ხაშურის მუნიციპალიტეტის მერიასა და USAID Zrda პროექტს შორის გაფორმებული ურთიერთთანამშრომლობის მემორანდუმის ფარგლებში, USAID Zrda-ს მხარდაჭერით მომზადდა.

პროექტისთვის თანხა ადგილობრივი ბიუჯეტიდან გამოიყო და მისმა ჯამურმა ღირებულებამ 24 774 ლარი შეადგინა.

სამუშაოების მიმდინარეობა ადგილზე დაათვალიერეს ხაშურის მუნიციპალიტეტის მერის მოადგილე ზურაბ როსებაშვილმა, ინფრასტრუქტურის განყოფილების უფროსმა გიორგი პაპიაშვილმა და Zrda-ს წარმომადგენელმა ნონა თათეშვილმა. მათი განმარტებით, პროექტი ადგილობრივების საჭიროებიდან გამომდინარე ხორციელდება და მოსახლეობის საყოფაცხოვრებო პირობების გაუმჯობესებას ემსახურება.

პროექტის ჯამური ღირებულება 1248 991 ლარს შეადგენს და ადგილობრივი ბიუჯეტისა და სახელმწიფო სახსრების თანადაფინანსებით ხორციელდება.



### ბიჭნისის წყლის სათავე-ნაგებობის რეაბილიტაციის სამუშაოებს ადგილზე გაეცნენ


ხაშურის მუნიციპალიტეტში ბიჭნისის წყლის სათავე ნაგებობის და ქსელის რეაბილიტაციის სამუშაოები, ხაშურის მუნიციპალიტეტის მერმა გიორგი გურასპაშვილმა და მერის მოადგილე ზურაბ როსებაშვილმა ადგილზე გააცნეს საქართველოს რეგიონული განვითარებისა და ინფრასტრუქტურის სამინისტროს წარმომადგენელ ირაკლი თოფურიას და შიდა ქართლში სახელმწიფო რწმუნებულის მოადგილეს სიმონ გულედასს.

ბიჭნისის წყლის სათავე-ნაგებობის მასშტაბური პროექტი აქტიურად მიმდინარეობს.

ათწლეულების განმავლობაში, სათავე-ნაგებობა სავალალო მდგომარეობაში იყო. წყალი გაუფილტრავად და წყვეტილ რეჟიმში მიეწოდებოდა მოსახლეობას.

პროექტის განხორციელების შემდეგ, მნიშვნელოვნად შეიცვლება არსებული სიტუაცია. მდინარე ბიჭნისულას ხევიში, კორიზონტალური საღებავების სახით, ახალი სათავე-ნაგებობა მოეწყობა, აქედან წყალი გადავა ულტრაფილტრაციის კომპლექსის შენობაში და გაივლის საბოლოო გაწმენდის პროცესს. გაფილტრული წყალი, დეზინფექციის შემდეგ, გადაიქანება სუფთა წყლის რეზერვუარში და იქიდან მიეწოდება აბონენტებს.

პროექტი გარდამავალია, ექსპლუატაციაში 2020 წელს შევა, მიმდინარე წელს კი გათვალისწინებულია სათავე-ნაგებობის და საქლორატოროს რეაბილიტაციის დასრულება.



# არსენ გომარელი - საოცარი ხელოვანი ქვიშხეთიდან

არ ვიცი, ხაშურში რამდენად კარგად ვიცნობთ მხატვარ არსენ გომარელს, რომელსაც გერმანიაშიც, უკრაინაშიც და ჩვენს დედაქალაქშიც ძალიან კარგად იცნობენ, როგორც თვითნასწავლ, ნიჭიერ მხატვარს, გამორჩეულს მიგნებებით, თვითმყოფადობით, ემოციებით და დამოკიდებულებებით. გამორჩეულ მხატვარს, სახლიც გამორჩეული აქვს, ქვიშხეთში-შორიდანვე გამოარჩევ, ჩვენი ნაცრისფერი სახლებისგან განსხვავებული, ფერად სახლს.. კარს მიღმაც სხვა სამყაროა, ქველა ნივთს თავისი ადგილი და ფერი აქვს. როცა შედიხარ, გარეთ ტოვებ ქველა ადამიანურ დარდს და წუხილს. როგორც არსენმა გვითხრა, „არტ ჰაუსი ქვიშხეთი“ მალე კულ-



ტურისა და ხელოვნების პატარა კერად იქცევა, რომელიც იმ ადამიანებს გააერთიანებს, ვისაც ურთიერთობები უყვარს და ხელოვნების თავყვანისმცემლები არიან. გარდა ამისა, ტურისტებს, ჩამოსვლა და დარჩენაც შეეძლება. თუ როგორ ქმნის ამ საოცარ სამყაროს, საოცარ ტილოებს, რა იყო წარსულში და რას აპირებს მომავალში, თავად არსენი გვიამბობს:

– ადრეული ბავშვობიდან დამიწვია ხატვა, იმდენად პატარა ვიყავი, არც კი მახსოვს პირველი ნახატი როდის დავხატე, მხოლოდ ის მახსოვს, დედამ ეზოში ჩემი ნახატების გამოფენა რომ მომიწყო. აქედან უკვე იწყება ჩემი შემოქმედებითი მუხსიერება, რადგან ხატვის გარეშე არ მიცხოვრია არასდროს.



– როგორც ვიცი, განსხვავებული პროფესია გაქვს, რას თვლი შენ პირველ პროფესიად?

– ჩემი აზრით, პირველი პროფესია ადამიანობაა, მერე მოდის სხვა დანარჩენი. ჩემი სამყარო შევქმენი, ჩემი სულის თავშესაფარი დავარქვი ამ ყველაფერს. კონტრასტებით საგნე ცხოვრება მქონდა, მონასტერშიც ვიყავი გარკვეული პერიოდი, საკუთარი თავის ძიებაში ვიყავი, ბევრი რაღაც ვცადე, მოვსინჯე, მაგრამ ხატვაზე უარი არასდროს მითქვამს. მიუხედავად იმისა, რომ მხატვრობაში პროფესიული განათლება არ მიმიღია და თვით-

ნასწავლი მხატვარი ვარ, დიდი ხნის წინ მივხვდი, რომ ამის გარეშე ცხოვრება არ შემიძლო.

- რაზე ხატავ? ყველაზე დიდ ინსპირაციას რა გაძლევს?
- ძირითადად ტილოზე ვხატავ. ადამიანი ყველაზე დიდი ინსპირაციაა ჩემთვის, მისი ხასიათი, შინაგანი მდგომარეობა, ჩემთვის, როგორც მხატვრისთვის და ადამიანისთვის, ყველაზე მნიშვნელოვანია. რა შეგრძნებაც მოდის ჩემგან, იმას ვხატავ, კონკრეტული უნარი არ მაქვს, მხატვარი თავისუფალი უნდა იყოს, აქედან მოდის შთაგონებაც და სხვა დანარჩენიც.
- რა ფერში დახატავდი სამყაროს?



– ლურჯი, ცისფერი ჩემი ფერია, მარადისობის სიმბოლოა, ცისკენ მიმართული, ალბათ, ამ ფერში დავხატავდი.

- შენს ნამუშევრებს ყიდი?

– ჩემი შემოსავლის წყარო არ არის ეს, მხოლოდ იმ შემთხვევაშია, როცა საქმე არსებობას ეხება,



კიევში ყოფნის დროს, მომიწია ჩემი ნამუშევრების გაყიდვა. შეიძლება არ მომეწონოს ადამიანი და იმას არც მივეცილო ნახატი, თუ მომწონს, უსასყიდლოდაც მიჩუქებია. ბევრ რაღაცას განსაზღვრავს ჩემთვის ადამიანური თვისებები. ძალიან რთულია. როცა ეს კომერციაა, ასე მგონია, შედეგი იკარგება და ცდილობ, მოერგო იმ დღევანდელობას, ხატო ის, რაც გაყიდვადია და არა ის, რაც შენია და ემოცია დევს. მირჩევნია ისეთმა ადამიანმა იყიდოს, რომელიც გრძნობს ნახატს, შინაარსს.

- გამოფენები თუ გქონია?

– პერსონალური გამოფენა თბილისშიც მქონდა, კიევშიც, გერმანიაშიც მქონდა ორი. გერმანიაში და საქართველოში ერთდროულად იყო ჩემი გამოფენები. სიმართლე გითხრათ, ჩემი გამოფენები ძალიან საპასუხისმგებლოა ჩემთვის და დიდ ემოციებთანაა დაკავშირებული.

- რომელი მხატვრები მოგწონს ყველაზე მეტად, რომლებიც შენთან ახლოს არიან?

– მოდელიანი, ვანგოგი, ფიროსმანი. როცა მხატვრის ცხოვრებას ეცნობი, უფრო მეტად უახლოვდები მხატვარს და გრძნობ მის შემოქმედებას. თანამედროვე ქართველი მხატვრებიც ძალიან მომწონს.

- შენი შემოქმედებიდან, რომელ ნახატს გამოარჩევი, რომელსაც ვერსად როს გაიმეტებ გასასხვისებლად?

– არის ასეთი ნახატი, სახასიათო “კაცი, რომელიც ცდილობს გააფერადოს ნაცრისფერი ცხოვრება”. ბევრჯერ მთხოვეს გაყიდვა, ზოგმა ჩუქებაც, მაგრამ ვერ გავიმეტე. სხვებიც მომწონს, მაგრამ ეს ნახატი ემოციურად ძალიან ახლოსაა ჩემთან.

- ეს სახლი, არ ჰგავს სტანდარტულ სახლებს, შორიდანაც კი ეტყობა, რომ აქ ხელოვანი ცხოვრობს...

– მეასამე თვეა აქ ვარ, აქ მინდა დავმკვიდრდე, სამომავლო მიზნებიც მაქვს. ბევრი რამე ვცადე ცხოვრებაში, ბევრ ქვეყანაში ვიყავი, გამოცდილებაც მივიღე. ერთი რაღაც ვისწავლე, დროის ფასი. აქ, ახლა, პატარა სამხატვრო და საგამოფენო სივცე მოვაწყვე. მაქვს ჩემი სამუშაო ოთახი, სადაც დროის დიდ ნაწილს ვატარებ, ვხატავ და ძირითადად ჩემი ნახატებია წარმოდგენილი. მეორე ოთახი საგამოფენო სივრცედ ვაქციე, სადაც უკვე ის ტილოებია, რომლებიც სხვა მხატვრებს ეკუთვნის. ამ სახლს გალერიის გარდა, ტურისტული დანიშნულებაც ექნება სამომავლოდ, სადაც ტურისტებსაც ექნებათ შესაძლებლობა, გაეცნონ ხელოვნებას, შეიძინონ ნახატებიც, მოეწუება სადამოები. ბევრი გათვლა და გეგმა მაქვს, რომელსაც ეტაპობრივად განვახორციელებ. ზაფხულში უკვე ველოდები გერმანელ სტუმრებს.

- სტუმრიანობა ახლაც გაქვთ...

– ამჟამადაც მყავს ჩემი სტუმრები, სვანეთში მიდიოდნენ, იმდენად მოეწონათ გარემო, გადაიფიქრეს სვანეთში წასვლა და აქ დარჩნენ. ბევრი რამე მაქვს მოსაწესრიგებელი, რაც ბევრად საინტერესოს გახდის ამ გარემოს და მრავალფეროვანს. მინდა, რომ ეს სახლი იყოს კერა ადამიანების შეკრების, რადგან ვთვლი, რომ გულწრფელი დამოკიდებულებები, ურთიერთობები აკლიათ ადამიანებს, სწორედ ეს მინდა შევცვალო, ამის დეფიციტი შევავსო.

თ, ჯავახიშვილი

გაზეთის “ხაშურის მოამბე” -რედაქციის თანამშრომლები თანაუგრძნობენ ეკა ბაქრაძეს მამის, ჯემალის გარდაცვალების გამო.

ა(ა)იპ ხაშურის მუნიციპალიტეტის გაზეთი „ხაშურის მოამბე“. ღირებულება გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.  
 E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.  
 P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.